

## RESPONSIO M. BVCERI

vire. Hic etenim uno uerbo, & nos, & quæ prædicamus, ipsi. Christi uerba, anathematizasti.

Hæc demum sunt, quæ futura uerentes, si adspirasset CHRISTVS, auertere Ecclesijs, moliebamur. Et hæc caussa bis ad te nostris impensis, nuncium amandauimus. Ista enim ista Ecclesias perturbant, & Christi gloriam obscurant, cum ueritas modeste, & in tempore prædicata nihil turbet male, quam utiq; & uos citra conuitia docere potueratis. Non nobis, sed Ecclesijs, & non à uestra ueritate, sed conuitijs atq; maledictis timuimus. At hinc suppliciter adeo ad uos scripsimus, neq; petiuimus unquam ut nostra erroris non accusaretis, si erronea deprehendissetis. Sed ne & alia, quæ nobiscum ipsi quoq; docetis uera, simul uelletis infamare, & ipsissimis Christi uerbis, quod tu in hac Epistola & scriptis alijs facis, fidem derogare.

## RESPONSIO AD

XIII.

decimum tertium.

Vtinam uideres quàm dedeceat te quod hic subiicis: Atq; hoc est quod semper dixi, sacramentarios illos hereticos habere Christum pro ludo, & serio nunquam ab eis cognitum aut doctum &c. Filio siquidem suo Christo, non tibi Deus iudicium, cui & corda patent, dedit, & hic, ne dubita hoc tuum de nobis iudicium, falsum in die illo, quo uenturus est adiudicandum uiuos & mortuos declarabit. Sacramenti uocem, dixi supra, non agnoscimus, Christum